

CONVENIO DE COLABORACIÓN ENTRE A CONSELLERÍA DE POLÍTICA SOCIAL E XUVENTUDE E A ASOCIACIÓN CLUB PRAIA DE PANTIN PARA FINANCIAR A CELEBRACIÓN DUN EVENTO DE SURF ADAPTADO NO EXERCICIO 2023.

MEMORIA XUSTIFICATIVA

A Comunidade Autónoma de Galicia, segundo o establecido no artigo 27.23 do Estatuto de autonomía de Galicia, en consonancia coa habilitación competencial outorgada ás comunidades autónomas polo artigo 148.1.20 da Constitución española, ten competencia exclusiva en materia de asistencia social, polo que, na súa virtude se aprobou a Lei 13/2008, do 3 de decembro, de servizos sociais de Galicia.

A Consellería de Política Social e Xuventude é o órgano superior da administración autonómica ao que lle corresponde as competencias en materia de asistencia social, conforme ao Decreto 124/2022, do 23 de xuño, polo que se establece a súa estrutura orgánica, e a través da Dirección Xeral con competencias en materia de persoas con discapacidade ten entre as súas funcións e competencias as relativas a atención do colectivo de persoas con discapacidade., e no marco desas competencias están comprendidas as funcións dirixidas ao fomento de programas e actividades de promoción da autonomía persoal.

A asociación Club Praia de Pantín, figura inscrita no Rexistro de Entidades Deportivas de Galicia co número C-09851, con fins de fomento e impulso da práctica deportiva.

A Asociación Club Praia de Pantín organiza a celebración do IV Campionato de Surfing Adaptado (ABANCA PANTIN CLASSIC GALICIA PRO), encadrado dentro do campionato do mundo que terá lugar entre o 26 de agosto e o 3 de setembro.

O surf adaptado é unha modalidade oficialmente recoñecida en probas nacionais e internacionais. Nesta nova edición, poténciase o poder de convocatoria e o evento de surfing adaptado medra, e ocupa tres días completos de competición.

Asi mesmo, a dotación económica dos premios será unha das maiores do mundo nesta categoría, repartiranse 10.000€ en premios con paridade de premios en categorías feminina e masculina. Participarán atletas chegados de todo o mundo, que son un exemplo de esforzo, superación e determinación.

A través do deporte ofrécese igualdade de oportunidades a todas as persoas deportistas independentemente das súas capacidades.

O apoio deste evento é un elementos esencial para a promoción e impulso da autonomía persoal. A través deste evento lévase a cabo a promoción do deporte de competición no ámbito das persoas con discapacidade, favorecendo a súa integración social e a súa visibilidade. A categoría e relevancia acadada fan que acade unha gran difusión a promoción da autonomía persoal a través de ferramentas de Marketing dixital, mellorando a atención do colectivo de persoas con discapacidade.

O obxecto deste convenio establecer o marco de colaboración entre a Consellería de Política Social e Xuventude e a Asociación Club Praia de Pantín, a través da concesión directa



dunha subvención para o apoio á celebración dun evento de surf adaptado, o IV Campionato de Surfing Adaptado (ABANCA PANTIN CLASSIC GALICIA PRO) que se celebra dentro do campionato mundial, do 26 de agosto ao 3 de setembro do 2023 na praia de Pantín, Valdoviño.

As actuacións que comprende son:

- a) A competición de surf adaptado durante tres días completos con dotación de premios económicos.
- b) Durante toda a duración do campionato, do 26 de agosto ao 3 de setembro faise unha divulgación e difusión da historia de superación das persoas con discapacidade participantes a través da prensa, televisión, internet e redes sociais.
- c) Haberá un espazo para a dinamización e creación de experiencias dirixido a colectivos e asociacións de persoas con discapacidade con actividades como o bautismo de surf, no que as persoas con discapacidade se iniciarán no mundo deste deporte adaptado a sus necesidades específicas.
- d) Obradoiros de motivación para que as persoas con discapacidade a través da práctica deportiva se enfrente a si mesma coñecendo as súas capacidades, as súas necesidades, aprenda a marcarse metas, senta que ten control sobre a súa vida e adquira unha maior autoestima. .
- e) Difusión á promoción da autonomía persoal a través de ferramentas de Marketing dixital, como a emisión en directo a través de internet da competición.

Para o cumprimento do convenio a Consellería de Política Social e Xuventude achegará no ano 2023 **vinte e cinco mil euros (25.000,00€)**, que serán imputados á aplicación orzamentaria 13.04.312E.481.1. Dita cantidade destinarase aos gastos correntes necesarios para o mantemento e o desenvolvemento das actividades contempladas no convenio.

Este financiamento terá vixencia desde o momento da sinatura do convenio e ata o 31 de decembro de 2023, con efectos económicos desde o 1 de xaneiro de 2023.

A Asociación Club Praia de Pantín, é a única que desenvolve un evento deportivo destas características, con alcance internacional, e baseado no surf adaptado. Polo obxecto e pola especificidade considérase que este evento presenta un carácter de exclusividade para a concesión directa da subvención, o que dificulta a súa convocatoria pública, de conformidade co previsto no artigo 19.4 c) da Lei 9/2007, do 13 de xuño, de subvencións de Galicia, e no 36 c) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

Tendo en conta, por unha banda, a especificidade das características do evento que se vai financiar por razón do colectivo ao que vai dirixido, e por outra, a ausencia no ámbito territorial de aplicación de entidades alternativas que dispoñan da infraestrutura material e medios humanos esixibles, a súa adecuación ao ámbito competencial da Consellería de Política Social e Xuventude previsto no Decreto 124/2022, do 23 de xuño, na área específica das competencias en materia de discapacidade, e as específicas necesidades



inherentes ao colectivo ao que van dirixidas, considéranse razóns que acreditan o seu interese social. Polo tanto queda xustificada a concesión directa desta subvención, en aplicación do artigo 26 da Lei 9/2007, do 13 de xuño, que permite establecer convenios a través dos cales se canalizan estas subvencións.

Asinada dixitalmente en Santiago de Compostela

O director xeral de Persoas con Discapacidade

Fernando González Abeijón

